

From: UUM CORPORATE COMM.
Sent: Friday, October 25, 2019 1:04 AM
To: UUM - All Staff; UUM - All Students
Subject: SEKALUNG PENGHARGAAN DI ATAS KEJAYAAN PENGANJURAN MAJLIS KONVOKESYEN KE-32 UNIVERSITI UTARA MALAYSIA



UUM Corporate Comm.
Universiti Utara Malaysia

25 OKTOBER 2019 / 26 SAFAR 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

UUM ONLINE:

**SEKALUNG PENGHARGAAN DI ATAS KEJAYAAN PENGANJURAN
MAJLIS KONVOKESYEN KE-32 UNIVERSITI UTARA MALAYSIA**

Alhamdulillah, syukur ke hadrat Allah S.W.T, Majlis Konvokesyen ke-32 Universiti Utara Malaysia telah berjalan dengan selamat dan sempurna pada 19-23 Oktober 2019 yang bertempat di Dewan Mu'adzam Shah, kampus Sintok.

Sehubungan dengan itu, saya dengan rendah diri ingin merakamkan ucapan setinggi-tinggi penghargaan dan terima kasih kepada semua warga universiti khususnya staf akademik, staf pentadbiran, mahasiswa dan mahasiswi yang telah menjayakan majlis tersebut.

Saya juga amat terharu dan berbangga dengan penglibatan staf yang telah bertungkus-lumus merealisasikan segala objektif yang telah ditentukan. Sumbangan dan komitmen anda mencerminkan keutamaan dan penekanan dalam melakukan pekerjaan yang terbaik.

Sememangnya Majlis Konvokesyen ke-32 ini merupakan satu acara terpenting dalam kalendar akademik universiti, dan hanya sangat dinantikan oleh para graduan. Majlis pada tahun ini juga telah melakarkan satu sejarah kehadiran di kalangan tetamu VVIP yang sangat baik. Para graduan dan ibu bapa telah diraikan dengan kehadiran KDYMM Tuanku Canselor, Al Aminul Karim Tuanku Sultan Kedah dan Tuanku Sultanah Kedah, DYTm Tuanku Pro-Canselor Tuanku Raja Muda Kedah, YTM Tunku Pro-Canselor Tengku Temenggong dan YAB Pro-Canselor Tun Ahmad Fairuz. Malah, buat julung kalinya majlis juga telah diserikan lagi dengan kehadiran YAB Dato' Seri Utama Menteri Besar Kedah dan juga Dato' Paduka Setiausaha Kerajaan negeri Kedah.

Kehadiran sejumlah besar VVIP tersebut dapat ditafsirkan sebagai satu cerminan keyakinan dan petunjuk jelas impak positif universiti kepada negeri Kedah secara amnya dan masyarakat sekeliling khususnya.

Sesungguhnya, segala jasa dan bakti semua yang terlibat dalam menjayakan majlis ini sangatlah bermakna dan akan dikenang sebagai satu sumbangan yang amat dihargai oleh universiti.

Semoga kerjasama dan sokongan padu seperti ini akan berterusan di masa akan datang.

"Ada perbezaan antara minat dan komitmen. Apabila anda berminat melakukan sesuatu, anda melakukannya hanya apabila keadaan itu dibenarkan. Apabila anda komited kepada sesuatu, anda tidak menerima alasan, hanya keputusan."
(Kenneth H. Blanchard)

Terima kasih kerana memberi yang terbaik kepada Universiti Utara Malaysia.

Saya yang diamanahkan

Prof. Dato' Dr. Ahmad Bashawir Hj Abdul Ghani
Naib Canselor





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.